

POP

TÓNLISTARBLAÐ • 8. DESEMBER 2011



**ÚLFUR ÚLFUR
OG PARTÍÐ
JÓN JÓNSSON OG MATTI
PAPI TAKA ROKKPRÓFIÐ
FRÁBÆRAR PLÖTUR FRÁ
HLJÓMSVEITINNI ÉG OG
BLACK KEYS**

HAM

„ÉG ER REYNDAR ÞAÐ ÁNÆGDUR
MEÐ NÝJU PLÖTUNA AÐ ÉG GÆTI
SAGT STOPP, HÉR OG NÚ.“

„ÞAÐ ER ENGIN AFSÖKUN AÐ VERA VEIKUR Í ÞESSUM BRANSA.“

SÍÐA 6

TÓNLEIKAR

Í kvöld: Hljómsveitirnar Reykjavík!, MUCK og Gang Related koma fram á Gauki á Stöng. Miðaverð er aðeins 1.000 krónur og húsið er opnað klukkan níu.

Á morgun: Á fjórðu tónleikunum í tónleikaröðinni Undiröldunni í Kaldalónssal Hörpunnar verða það hljómsveitirnar Samaris og Mr. Silla sem stíga á svið. Tónleikarnir hefjast klukkan 17.30 og aðgangur er ókeypis.

Ekki á morgun heldur hinn:

Hljómsveitin 1860 heldur jólatónleika á Café Rosenberg klukkan 22. Hljómsveitin leikur uppáhaldsjólaðögin sín í bland við frumsamið efni. Aðgangseyrir er aðeins 1.000 krónur.

POPP er tónlistarblað og kemur út annan hvern fimmtudag.

Útgáfufélag: 365 miðlar ehf.

Umsjón: Atli Fannar Bjarkason

Forsíðumynd: Anton Brink

Auglýsingar: Benedikt Freyr Jónsson benediktj@365.is

Popp, Skaftahlíð 24, 105 Reykjavík, sími 512 500

FÖSTUDAGURINN LANGI

HLJÓMSVEITIN ÚLFUR ÚLFUR SENDIR FRÁ SÉR FYRSTU PLÖTUNA SÍNA Á LAUGARDAGINN. YRKISEFNI PLÖTUNNAR ER EINLÆG BLANDA AF DRYKKJU, PARTÍI, RÍÐINGUM OG ÖLLU ÞVÍ.

„Við vorum í þessum töluðu orðum að skila plötunni í fjölföldun. Hún á að vera tilbúin á föstudaginn. Hún verður það,“ segir rapparinn Arnar Freyr Frostason úr Hljómsveitinni Úlfur úlfur.

Fyrsta plata Hljómsveitarinnar kemur út á laugardaginn og hefur hún hlotið nafnið Föstudagurinn langi. Hljómsveitin var stofnuð í maí á þessu ári úr rústum Hljómsveitarinnar Bróðir Svartúlfs, sem vann Músíktílaunir árið 2009. „Við hættum í Bróður Svartúlfs einfaldlega vegna þess að ástríðan var horfin og við fundum hana aftur í þessari Hljómsveit. Okkur langaði að gera litríkari og skemmtilegri hluti en í Bróður Svartúlfs og við fundum það í Úlfi úlfi. Það er miklu meira rapp og hipp hopp og diskó og partí núna,“ segir Arnar.

Að koma út plötu aðeins nokkrum mánuðum eftir að Hljóm-

sveitin er stofnuð hlýtur að teljast góður árangur. Arnar segir það hafa verið lítið mál að semja lög og bætir við að tíminn í Bróður Svartúlfs sé gott veganesti. „Við lærðum á bransann og það er að vinna með okkur núna eftir að við stofnuðum þessa Hljómsveit. Við gátum unnið miklu hraðar,“ segir hann. Fólk hefur tekið vel í tónlist Úlfsins og Hljómsveitin hefur reglulega komið fram á tónleikum undanfarnar viku. „Það gengur miklu betur en við áttum von á. Það er ótrúlegt hvað fólk er mikið til í að fá okkur til að spila. Við erum ekkert sérstaklega duglegir við að halda tónleika, en fólk er að taka vel í okkur, sem er ótrúlega skemmtilegt.“

Textar Arnars og félagar eru á íslensku. Hann segir enga sérstaka yfirlýsingu fólga í því, heldur séu þeir einfaldlega betri í íslensku en ensku. „Ég get sagt miklu stærri hluti á íslensku heldur en nokkurn tíma á öðru tungumáli,“ segir hann. „Við erum svolítið í því, að segja býsna stóra hluti. Við erum voðalega einlægir. Við leyfum okkar að hella úr hjörtum okkar við og við. Svona milli þess sem við yrkjum um drykkju og partí. Og ríðingar og allt það.“

Arnar segir upplag plötunnar ekki stórt, en samhliða útgáfunni verður hún gefin á vefsíðunni Ulfurulfur.com. Úlfur úlfur fagnar útgáfunni á Faktory á laugardagskvöld. Húsið opnar klukkan 22 og tónleikarnir hefjast stundvíslega klukkan 23. - afb



Úlfur úlfur sendir frá sér fyrstu breiðskífuna á laugardaginn.

Dove
MEN
+CARE



NÝTT DOVE MEN+CARE

DOVE MEN+CARE inniheldur rakaeindir (micromoisture) sem hjálpa húðinni að viðhalda eðlilegu rakastigi.

Í rakaeindunum eru olíur sem virka um leið og DOVE MEN+CARE kemst í snertingu við húðina. Húðin verður ekki fitug viðkomu heldur náttúrulega rök og mjúk.

[LÁTTU ÞÉR LÍÐA VEL Í EIGIN SKINNI]

HAM

Í POPPSKURNUM A VISIR.IS

LÖG:
■ INGIMAR
■ SVIKSEMI
■ VEISLA HERTOĞANS

ÍSLENSK / ERLEND

ÍMYND FÍFLSINS

HLJÓMSVEITIN ÉG ★★★★★

Þessi fjórða plata Hljómsveitarinnar Ég byggir á svipuðum grunni og fyrri verk sveitarinnar. Áhrif frá hippatónlist sjöunda áratugarins eru greinileg og hérna er samspil gítars, bassa og trommu stórgott. Annars er lágstemmt kassagítarrokki áberandi á plötunni og söngur forsprakkans Róberts Arnar Hjalmtýssonar er ekki eins hátt uppi og oft áður, sem er kostur. Róbert Örn er hnyttinn textahöfundur og hér gagnrýnir hann meðal annars leti neyklusamfélagsins og segir flest okkar fífl og vilja sífellt láta fjölföldu mata sig með misgáfulegu efni. Hann undanskilur sjálfan sig ekkert í þeim efnum, eins og mynd af honum sjálfum á umslaginu ber vott um. Melódísk tónlistin er þó ávallt í fyrirrúmi, grúví og töff, með Ferðalag og Hollywood-ást framarlega í flokki.

Sem sagt: Vel heppnuð rokkplata með skemmtilegum textum. - fb

THE BLACK KEYS

EL CAMINO ★★★★★

Dan Auerbach og Patrick Carney skipa svalasta rokkdúóið í bransanum í dag. Þeir áttu eina af bestu plötum síðasta árs, Brothers, og eru nú mættir með enn betri plötu.

The Black Keys er orðið tíu ára gamalt band og El Camino er sjöunda plata sveitarinnar. Platan Attack & Release, sem kom út árið 2008, kom The Black Keys almennilega á kortið. Það var upptökustjórnin Danger Mouse sem var á tökkunum við upptökur plötunnar og hann var kallaður aftur til starfa hér. Danger Mouse setur handbragð sitt á plötuna, skerpir á melóðíunum og gerir þær hlýrri. Hann hefur einnig náð að temja tvímenningana og fengið þá til að hafa bara ellefu lög á plötunni. Helsti galli síðustu plötu var að þar máttu nokkur lög missa sín.

Sem sagt: Hraðsoðin og melódísk blússrokkplata sem rúllar örugglega í gegn. - hdm



BÆKUR OG SPIL FÆRA FJÖLSKYLDUM YL!

tilboð gildir til 12. des.




3.990



6.390



2.790



9.990



3.190



2.990



3.190



3.190



2.380



2.990



5.520



7.900



BÓKABÚÐ
MÁLS & MENNINGAR
LAUGAVEGI 18

Opið til 22.00 öll kvöld. Sími 580-5000

VIÐ GERUM ÞAÐ SEM VIÐ GERUM

*HAM rankaði heldur betur við sér í sumar og sendi frá sér plötuna *Svik, harmur og dauði*. Platan hefur fengið frábæra dóma og tónleikar hljómsveitarinnar, þótt fáir séu, eru ávallt eins og í gamla daga: Troðfullir af sveittum aðdáendum.*

Orð: Atli Fannar Bjarkason
Myndir: Anton Brink

Það merkilega er hins vegar að aðdáendurnir virðast vera á öllum aldri. Sigurjón Kjartansson, gítarleikari og söngvari HAM, hefur engar skýringar á því. „Ég vona að það sé vegna þess að við reynum að vera heilir í því sem við gerum. Það er ágætt að hugsa ekki of mikið um hvað við erum að gera. Við vitum ekkert allt of mikið hvað við erum að gera. Sem er mjög heilbriggt í allri listsköpun — vera ekki að greina hlutina of mikið. Ég held að það sé hluti af því sem er HAM. Við gerum það sem við gerum.“

Heldurðu að það geti spilað í inn í að unnendur þungarokks halda alltaf tryggð við sína tónlist?

„Við höfum aldrei litið svo á að við séum að spila þungarokk.“

Hvað eruð þið þá að spila?

„Ég veit það ekki. Einhvers konar kuldarokk. Við höfum aldrei reynt að greina það. Það hefur komið einhver massi og við erum mjög hrifnir af honum. Þessum hljóðmassa sem okkur tekst að búa til. Við höfum aldrei verið meðvitaðir um að við séum að búa til einhvers konar þungarokk. Þungarokkarar hafa verið mjög ásæknir í okkur og við erum mjög ánægðir með þá, enda afskaplega kærleiksríkt og yndislegt fólk.“

Svik, harmur og dauði hefur selst talsvert betur en fyrri verk HAM. Spurður hvort HAM hafi búist við þessum viðtökum segir Sigurjón að þeir hafi vonast til að fá góðar viðtökur, enda sjálfir ánægðir með plötuna. „En við vorum ekki að búast við neinu sérstöku. Það var nokkuð heilbriggt viðhorf gagnvart þessari plötu. Ég hafði samt þá tilfinningu að ég yrði ekki ánægður ef hún fengi slæmar viðtökur, eins og eðli mannsins er. Hitt var mjög ánægjulegt.“

Ófugt við dómsdagsspár rétthafasamtaka og útgáfufyrirtækja, þar sem allt er á niðurléið. En þið eruð á uppleið.

„Reyndar er tónlistarbransinn á mikilli uppleið. Það er alltaf einhver söngur í gangi. Ég sá nýlega einhverjar staðreyndir á netinu sem áttu að vera voða sorglegar fyrir tónlistarbransann. Þar voru alls konar tónlistarmenn sem ég hef ekki einu sinni heyrt minnst á að selja meira en Michael Jackson og Bítlarnir.“

Já, allir voða sorri, en svo sýndi þetta að tónlistin rennur út.

„Miklu meira, enda meikar það sens. Jarðarbrúar eru miklu fleiri en þegar Michael



Myndatakan var þægileg og strákarnir í HAM gátu keypt sér alls konar skrytna gosdrykki í leiðinni.

POPP/ANTON

„OKKUR FINNST GAMAN AÐ FARA ÚT AÐ SPILA. ÞAÐ ER ÁGÆTIS TÆKIFÆRI FYRIR OKKUR FÉLAGANA AÐ HANGA SAMAN. EINS OG MIÐALDRA KERLINGAR SEM FARA SAMAN TIL DUBLIN. EÐA VERSLUNARFERÐ TIL AMSTERDAM.“

Jackson var upp á sitt besta. Þannig að þessi söngur er vegna þess að þetta hefur breyst. Fólk er ekki að kaupa geisladiska, heldur niðurhal á iTunes. Svo er vöxtur í vínplötunni.“

HAM kom fram á Airwaves í ár og fékk meðal annars góða umsögn frá David Fricke, ritstjóra Rolling Stone. Hann hefur lengi verið einn af þekktustu tónlistarblaðamönnum heims, en hérna heima er hann þekktastur fyrir að hafa skrifað lofsamlega um tónleika hljómsveitarinnar Jakobínurínu á Airwaves.

Ungar hljómsveitir eru oft með mikla meikdrauma þegar þær koma fram á Airwaves, hvernig var hugafarið í HAM áður en hljómsveitin steig á svið í Hafnarhúsinu?

„Bara að spila góða tónleika. Við pældum ekkert í hvort við værum á Airwaves eða Nasa. Ef við gefum okkur út fyrir að spila á annað borð þá gerum við það vel. Þá æfum við okkur vel og erum þéttir. Við lásum það sem Fricke skrifaði og það sem ýmsir aðrir skrifuðu. Það var voða gaman að sjá það. En við erum ekki með neina meikdrauma.

Við höfum samt spilað úti, við spiluðum í Danmörku í vor. Okkur finnst gaman að fara út að spila. Það er ágætistækifæri fyrir okkur félagana að hanga saman. Eins og miðaldra kerlingar sem fara saman til Dublin. Eða verslunarferð til Amsterdam.“

Það er ekkert rugl á ykkur?

„Nei. Okkur skortir rugl.“

Sigurjón er aðallagahöfundur HAM og skráður fyrir öllum lögnum á Svík, harmi og dauða. Miðað við drungalega tónlistina á plötunni er erfitt að sjá fyrir sér fjölskyldufóður í Kópavoginum sitja í húsbóndastólum með kassagítarinn að skapa slagara á borð við Dauða hóru.

„Það er oft þannig. Oft verða löginn samt til í bílnum. Eða þegar ég er einhvers staðar að fást við eitthvað. Svo fer ég heim og glamra það á kassagítarinn og tek upp á simann. Áður tók ég upp á kassettutæki, sem er núna týnt. Því miður.“

En þú hlustar ekkert á þungarokk og neitar að þið spilið þungarokk, en samt er tónlistin svo mikið þungarokk. Maður heyrir meira

að segja þekktar klisjur úr þungarokkinu í tónlistinni. Er það bara sjálfsprottíð?

„Ég hef alveg heyrt heilbrigðan skammt af þungarokki. En ég veit ekki hvað þessar hljómsveitir heita í dag. Það var einhver að segja mér að það væri heilmikið black metal í okkur, en ég hef aldrei heyrt black metal-lag. Ég hef hlustað á Slayer, AC/DC. That's it! Ég þoli ekki Metallica og er ekki úr þessum þungarokksranni. Mér finnst fyrsta platan með New Order góð, skilurðu? Ég er nýbylgjumaður úr grunninn. Ég get hlustað á allt. ABBA, til dæmis. Ég læt oft ABBA á fóninn.“

Nei, er það?

„Já. Ég var að hlusta á The Visitors, sem er síðasta ABBA-platan, um daginn.“

En HAM er búin að vera lengi til, verður HAM alltaf til?

„Ég veit það ekki. Við tökum því rólega. Við erum alls ekki að hætta. Okkur finnst nærvera hvers annars mikilvæg með reglulegu millibili. En við erum ekki að plana næstu plötu. Ég er reyndar það ánægður með nýju plötuna að ég gæti sagt stopp, hér og nú. En við förum rólega í þetta. Engar yfirlýsingar.“



POPPSKÚRINN

Skannaðu kóðann og sjáðu HAM flytja Ingimar, Svíksemi og fleiri slagara.

Nýjustu heyrnartækin og ókeypis heyrnarmæling

Komdu í ókeypis heyrnarmælingu og kynntu þér nýjustu heyrnartækin sem við höfum að bjóða. Þú trúir örugglega ekki þínum eigin augum – hvað þá eyrum!

HEYRNARSTÖÐIN



Læknastöðin • Kringlunni
Sími 568 7777 • heyrnarstodin.is





Höndlaröu hitann?



TYRKISK PEBER VOLCANO - MJUKAR LAKKRÍSKEILUR & ELDFJÖLL

THE ORIGINAL
TYRKISK
PEBER

POPPARAR



KEMPUR TEKNAR INN Í FRÆGÐARHÖLLINA

Hljómsveitirnar Guns N' Roses, Red Hot Chili Peppers og Beastie Boys eru á meðal þeirra sem teknar verða inn í Frægðarhöll rokksins á næsta ári. Athöfnin fer fram í Cleveland í Bandaríkjunum á næsta ári.

Anthony Kiedis, söngvari Red Hot Chili Pepper, fékk fréttirnar þegar hljómsveit hans var á tónleikaferðalagi um Evrópu. „Ég hringdi í þabba og grét,“ sagði hann í viðtali við Rolling Stone. Þá sagðist hann hugsa til Hillel Slovak, fyrrverandi gítarleikara Chili Peppers sem lést árið 1988. „Hillel var falgur maður sem hóf að spila á gítar á áttunda áratugnum en komst ekki í gegnum þann níunda. Hann verður heiðraður fyrir feður sína. En við elskum það sem við erum að gera í hljómsveitinni. Ég og Flea elskum hvor annan og stöndum saman í gegnum súrt og sætt.“

ROKKPRÓFIÐ

6
STIG

JÓN JÓNSSON TÓNLISTARMAÐUR

1. Nei, ég hef aldrei gert það. Ég þrusa í mig átta töflum af raddsterum átta klukkutímum fyrir tónleika. **1**
2. Ég myndi fara og finna stað með ógeðslega góðri köku og segja Steina gítarleikara að redda þessu. Hann er gæi sem hefur unnið á dekkjaverkstæði og gæti fundið lausn á vandamálinu. **0**
3. Af lögreglunni? Það er búið að vera svo oft. Æ, nei. Ég hef bara verið tekinn fyrir of hraðan akstur. **0**
4. Ég hef alltaf sængað hjá sömu yndislegu stúlkunni. Í enda nóvember var ég búinn að vera með henni í níu ár, þannig að ég verð að svara þessu neitandi. **0**
5. Nei, en ég ætla að fá mér drekatattú yfir allt bakið milli jóla og nýárs. **1**
6. Ég er ógeðslega oft í svona leðurþveng. Þegar ég er heima. Það er mjög þægilegt. **1**
7. Já, ég er með það. Ég tók líka einu sinni óvænt gígg með honum í Fjölskyldu- og húsdýragarðinum. **1**
8. Nei, ég myndi ekki gera það. Ég er ekki í þessu fyrir peningana. **1**
9. Francis Ford Coppola. Líf mitt er búið að vera það ógeðslega brútal. Maður hefur gengið í gegnum ýmislegt. **1**
10. Ég fæ mér kristal með lime svo fólk spyrji mig ekki hvort ég sé ekki að drekka. **0**

01. HEFURÐU AFLÝST TÓNLEIKUM VEGNA EYMSLA Í HÁLSI? **02.** HLJÓMSVEITARRÚTAN BILAR Á FERÐ UM MIÐ-EVRÓPU. HVAÐ GERIR ÞÚ?
03. HVENÆR VARSTU SÍÐAST HANDTEKINN?
04. ÁTTU ÓSKILGETIN AFKVÆMI Í FLEIRI EN FIMM SÝSLUM Á ÍSLANDI? **05.** ERTU MEÐ NAFN FYRRVERANDI ELSKHUGA HÚÐFLÚRAÐ Á ÞIG?
06. ALLIR EIGA LEDURJAKKA EN ÁTT ÞÚ LEDUR-BUXUR? **07.** ERTU MEÐ NÚMERIÐ HJÁ HELGA BJÖRNS Í SÍMANUM ÞÍNUM? **08.** MYNDIRÐU SEMJA LAG FYRIR ÍMYNDARAUGLÝSINGU NATÓ GEGN RÍFLEGRI GREIÐSLU? **09.** Í KVIKMYND UM LÍF ÞITT, HVAÐA LEIKSTJÓRI VÆRI RÉTTI MAÐURINN Í STARFIÐ? **10.** BJÖRN JÖRUNÐUR SPLÆSIR Á BARNUM, HVAÐ FÆRÐU ÞÉR?

8
STIG

MATTHÍAS MATTHÍASSON SÖNGVARI PAPANNA

1. Nei, aldrei. Ég hef verið með 42 stiga hita uppi á sviði. Það er engin afsökun að vera veikur í þessum bransa. **1**
2. Ég hef lent í því líkri rútufurð þar sem allt brotnaði undan rútunni. Þá var reddað sér í næsta sveitarfélag og hringt í einkaflugvél. **1**
3. Það er ekkert svo langt síðan. Það var bara of hraður akstur. **0**
4. Ég lenti í kjaftasögu með þetta, sem var algjörlega röng, en kjaftasagan kom. **1**
5. Nei, þó maður sé rokkari þá er maður ekki vitlaus. **1**
6. Já, ég nota þær ekki reglulega, en þegar þarf að rokka aðeins þá fer maður í þær. **1**
7. Nei, ekki Helga Björns. En ég er með númerið hjá Eika Hauks. **1**
8. Já, pottþétt. **0**
9. Ég ætla að vera smá blaðra og segja Baltasar Kormákur. Hún yrði gerð á Íslandi. Ég er ennþá bara íslenskur. **1**
10. Úff, hann hefur svo oft splæst á mig á barnum. Síðast var það líklega bjór. **1**



DREYMRIR ÞIG SVIK, HARM OG DAUÐA?

HAM sendi frá sér plötuna Svik, harmur og dauði fyrr á þessu ári. Platan hefur fengið frábæra dóma, sem segir okkur að ef þú átt hana ekki nú þegar, þá dreymir þig um að eignast hana.

Mögulega ertu búin(n) að eyða öllum peningunum þínum í jólagjafir. Þú þarft þó ekki að óttast, því Popp hyggst gefa nokkrum lesendum plötuna í næstu viku. Til þess að eiga möguleika á því að eignast gripinn þarftu að fara inn á Facebook, finna Popp og smella á „like“. Punktur. Þú þarft hvorki að deila né kvitta.



Jólasendingin komin í hús!

BOSS
HUGO BOSS



HUGO BOSS

KONUR MENN KRINGLUNNI 533 4242

FIMM BESTU

LÖGIN SEM STAPPA Í MANN STÁLINU Í SKAMMDEGINU



BÓAS HALLGRÍMSSON
SÖNGVARI REYKJAVÍKURI!

HOLD ON - TOM WAITS

Gullfallegt lag eftir gullfalleghan mann og ekki spillir textinn fyrir. Það er svo hughreystandi að hlusta á mann sem hefur ýmsa fjöruna sopið hvetja mann til þess að þraka. Rödd hans er svo von, ef svo mætti að orði komast. Þetta er eins og að fá hughreystingu og ráðleggningar frá gömlum ref sem veit hvað hann syngur. Alger eðall!

DON'T GIVE UP - PETER GABRIEL OG KATE BUSH

Ég held ég hafi verið fimm ára þegar þetta kom út og ég man eftir því að syngja hástöfum með. Mamma var alltaf svo hrifin af Kate Bush svo að þetta lag ómaði mikið heima fyrir. Það virkaði þegar maður kom heim með blóðnasir og hruflað hné að láta þetta stappa í mann stálinu og fjandakornið ef það gerir það ekki enn.

I WON'T BACK DOWN - JOHNNY CASH (E. TOM PETTY)

Í þessum flutningi hljómar þetta lag eins og heilræði frá einhverjum sem einfaldlega veit betur en ég. Það er alltaf hughreystandi þegar einhver veit betur en ég og hvetur mig til þess að leggja ekki árar í bát. Aldrei, jafnvel standandi frammi fyrir hliði vítis.

THREE LITTLE BIRDS - BOB MARLEY

Ókey, þetta er svolítið fyrir-sjáanlegt. En ég hef það mér til málsbótar að ég hafði enga þolin-mæði eða umburðarlyndi fyrir Bob Marley sem tán-ingur. En þetta lag inniheldur svo ótrúlega einföld og góð skilaboð. Þetta verður allt í lagi! Svólítið svona íslenskt hugarfar sem á ágætlega við stundum...

GO - SPARKLEHORSE OG FLAMING LIPS (E. DANIEL JOHNSTON)

Uppáhaldslagið mitt þessa dagana. Stórkostlegt lag í alla staði. Kannski ekki alveg besta lagið í þessum flokki laga, en samt jú. Þetta er hughreystandi og yndislegt. Ef einhver lesandi blaðsins hefur ekki hlustað á þetta stórkostlega lag þá ætti sá hinn sami að gera það hið snarasta. Go, go, go, you restless soul, you're going to find it!

PALLI OG MUGISON TAKA FLUGIÐ

Páll Óskar og Mugison eru í sérflokki á Tónlistanum, sem birtist í Fréttablaðinu í dag. Páll Óskar er á toppi listans með plötu sína, Páll Óskar og Sinfó, og Mugison fylgir fast á eftir með plötuna Haglél. Báðir seldu þeir fleiri en þúsund plötur í síðustu viku, en engin plata hefur náð þeim árangri á þessu ári.

Eins og fram kom í Fréttablaðinu í síðustu viku sat Mugison í toppsæti Tónlistans í á þriðja mánuð. Plata hans rýkur út: 13 þúsund eintök eru seld og 4.000 í viðbót hafa verið send í verslanir. Þá hafa 7.000 eintök

verið útbúin í viðbót. „Ég samgleðst Mugison,“ sagði Páll Óskar við það tilefni. „Ég hef verið á sama stað og hann, verið sjálfstæður plötu-útgefandi að gefa út og dreifa sjálfur ásamt því að líma saman plötuumslög. Þessi plata frá Mugison er fyrsta platan hans á íslensku. Það er því engu líkara en að allar hinar plöturnar hafi verið upphitun fyrir þessa. Plöturnar á ensku voru bara að spenna bogann fyrir þessa og ekki seldust þær illa.“



Mugison og Páll Óskar eru í sérflokki hvað varðar plötusölu.

Fugl og fiskur - og allt þar á milli



kr. 5.490




kr. 6.490




kr. 2.990




kr. 4.290




kr. 4.690



kr. 11.990



kr. 4.290



kr. 3.690



kr. 3.690

Ný sending af erlendum bókum!

Lækjargata 2a 101 R. sími 511-5001 opið alla daga til 22

